

**Nuummi inissimasussamik Nunatta inuiattut timersornikkut  
unammersuartarfissaannik pilersaarutip FIFA-p piumasqaataanut naapertuuttumut  
aninggaasalersorneqarnissaannut periarfissanik misuissuisussamik suleqatigiisitamik  
pilersitseqquullugit Naalakkersuisut peqquneqarnissaannik Inatsisartut  
aalajangiiffigisassaattut siunnersut**  
(Inatsisartunut ilaasortaq Anders Olsen, Siumut)

### **Akissuteqaat**

(Ilinniartitaanermut, Kultureqarnermut, Ilisimatusarnermut Ilageeqarnermullu  
Naalakkersuisoq)

### **Aappassaaneernera**

Naalakkersuisut sinnerlugit Aningaasaqarnermut Akileraartarnermullu Ataatsimiitaliaq qutsavigissavara isumaliutissiissutaat pillugu.

Ataatsimiitaliap isumaliutissiissummini Naalakkersuisunut kaammattuutitut saqqummiussimavaa suleqatigiissitap pingartissagaa, sanaartornermi, ingerlatsinermi aserfallatsaaliinissamilu aningaasaqarneq tamarmiusoq isigineqarnissaa. Ataatsimiitaliataaq kissaatigaa, suleqatigiissitaq inunnik, sanaartugassat anginerusut sanaartornissaannik ingerlannissaannillu ilisimasalinnik, inuttaqarnissaa.

Ataatsimiitaliap siunnersuutigaattaaq, suleqatigiissitap misissussagaa qanoq Kommuneqarfik Sermersooq akuutinneqassasoq suliassami uani.

Ataatsimiitaliamit missingersuutit pillugit inatsimmi § 6 eqqumaffigeqquneqarpoq.

Naalakkersuisut Ataatsimiitaliap oqaaseqaatai eqqarsaatersuutitut tiguaat suleriaqqinnissamilu eqqumaffigineqarnissaat ingerlateqqissallugu.

Taamatut oqaaseqarlunga siunnersut Naalakkersuisunitakuereqquneqarpoq.